

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савет

ZAKLJUČAK

o obustavljanju postupka pokrenutim Zaključkom broj: 04-26-2-011-8-II/11 od 12.10.2011. godine protiv privrednog subjekta Tenfore d.o.o. Banja Luka, zastupnika privrednog subjekta *Western Union* na teritoriji Bosne i Hercegovine

Sarajevo
februar, 2012. godine



Broj: 04-26-2-011-115-II/11
Sarajevo, 08.02.2012. godine

Na osnovu člana 25. stav (1) pod e), člana 42. stav (2) Zakona o konkurenciji („Službeni glasnik BiH“, br. 48/05, 76/07 i 80/09) i člana 122. stav (2) Zakona o upravnom postupku („Službeni glasnik BiH“, br. 29/02, 12/04, 88/07 i 93/09), po podnesenoj pismenoj izjavi o odustajanju od postupka podnesenoj od strane privrednog subjekta *MoneyGram Payment Systems Inc., 1550 Utica Avenue South, Minneapolis, Minnesota 55.416, Sjedinjene Američke Države*, putem zastupnika, advokata Marić Branka, Mehmeda Spahe 26, 71000 Sarajevo, Bosna i Hercegovina, zaprimljenoj dana 24.1.2012. godine pod brojem: 04-26-2-011-102-II/12, Konkurencijsko vijeće na 27. (dvadesetsedmoj) sjednici, održanoj dana 08.02.2012. godine, donijelo je slijedeći

Z A K L J U Č A K

1. Obustavlja se postupak pokrenut Zaključkom Konkurencijskog vijeća broj: 04-26-2-011-8-II/11 od 12.10.2011. godine, a na osnovu Zahtjeva za pokretanjem postupka privrednog subjekta *MoneyGram Payment Systems Inc., 1550 Utica Avenue South, Minneapolis, Minnesota 55.416, Sjedinjene Američke Države*, protiv privrednog subjekta Tenfore d.o.o. Banja Luka, Veselina Masleše 1, 78000 Banja Luka, zastupnika privrednog subjekta *Western Union* na teritoriji Bosne i Hercegovine, radi utvrđivanja postojanja zabranjenog sporazuma iz člana 4. stav (1) Zakona o konkurenciji i zloupotrebe dominantnog položaja u smislu člana 10. stav (2) tačke a) i b) Zakona o konkurenciji, zbog odustanka Podnosioca zahtjeva od Zahtjeva.
2. Ovaj Zaključak će biti objavljen u „Službenom glasniku BiH“, službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je dana 13.06.2011. godine pod brojem: 04-26-2-011-II/11 zaprimilo Zahtjev za pokretanje postupka, podnesen od strane privrednog subjekta *MoneyGram Payment Systems Inc., 1550 Utica Avenue South, Minneapolis, Minnesota 55416, Sjedinjene Američke Države*, (u daljem tekstu: Podnosilac zahtjeva ili *MoneyGram*), putem zastupnika, advokata Marić Branka, Mehmeda Spahe 26, 71000 Sarajevo, Bosna i Hercegovina, u smislu člana 27. stav (1) i (3) Zakona o konkurenciji (u daljem tekstu: Zakon), protiv privrednog subjekta Tenfore d.o.o. Sarajevo, zastupnika privrednog subjekta *Western Union* na teritoriji Bosne i Hercegovine, radi utvrđivanja postojanja zabranjenog sporazuma iz člana 4. stav (1) Zakona i zloupotrebe dominantnog položaja u smislu člana 10. stav (2) tačke a) i b) Zakona i člana 9. stav (1) tačke a), e) i g) Odluke o definisanju kategorija dominantnog položaja („Službeni glasnik BiH“, br. 18/06 i 34/10).

Obzirom da zaprimljeni Zahtjev nije bio kompletan, Konkurencijsko vijeće je, u skladu sa članom 31. stav (1) Zakona, Podnosiocu zahtjeva uputio zahtjev za dopunu, dana 04.07.2011. godine aktom broj: 04-26-2-011-1-II/11.

Podnosilac zahtjeva je dana 13.07.2011. godine podneskom broj: 04-26-2-011-2-II/11 zatražio od Konkurencijskog vijeća produženje roka za dostavljanje odgovora, te je Konkurencijsko vijeće u skladu sa članom 31. stav (2) Zakona, cijeneći da postoje opravdani razlozi za produženje istog, odobrilo Podnosiocu zahtjeva produženje roka za dostavljanje odgovora aktom broj: 04-26-2-011-3-II/11 od dana 19.7.2011. godine.

Podnosilac zahtjeva dopunio je isti i traženu dokumentaciju dostavio dana 28.07.2011 godine podneskom broj: 04-26-2-011-4-II/11, nakon čega je Konkurencijsko vijeće utvrdilo da je isti kompletan i uredan u smislu člana 28. stav (1) Zakona, te je Podnosiocu zahtjeva, u smislu člana 28. stav (3), izdao potvrdu o prijemu urednog i kompletnog Zahtjeva, dana 22.09.2011. godine pod brojem: 04-26-2-011-5-II/11.

Na osnovu dostavljene dokumentacije, Konkurencijsko vijeće je ocijenilo da nije moguće bez provedenog postupka utvrditi postojanje povrede Zakona na koje Podnosilac zahtjeva ukazuje, te je dana 12.10.2011 godine donio Zaključak o pokretanju postupka broj: 04-26-2-011-8-II/11 (u daljem tekstu: Zaključak) protiv privrednog subjekta Tenfore d.o.o. Sarajevo.

Nakon donošenja Zaključka, Konkurencijsko vijeće je obaviješteno da je Rješenjem Okružnog privrednog suda u Banjoj Luci, broj: 057-0-Reg-11-000614 od 12.07.2011. godine, izvršen upis promjene sjedišta i naziv na način da je raniji naziv privrednog subjekta Tenfore d.o.o. Sarajevo, Fra Anđela Zvizdovića 1, Sarajevo, zamijenjen nazivom Tenfore d.o.o. Banja Luka, Veselina Masleše 1, 78000 Banja Luka.

U toku provođenja postupka, a u cilju prikupljanja materijalnih dokaza na relevantnom tržištu pružanja usluga internacionalnog transfera novca između fizičkih osoba bez otvaranja bankarskog računa u Bosni i Hercegovini, Konkurencijsko vijeće obratilo se i slijedećim relevantnim institucijama: Centralna banka BiH, Agencija za bankarstvo Republike Srpske, Agencija za bankarstvo Federacije BiH, Ministarstvo finansija Republike Srpske, Ministarstvo finansija Federacije BiH, Direkcija za finansije Brčko Distrikta BiH, Državna agencija za istrage i zaštitu BiH (SIPA), kao i bankama koje posluju na teritoriji Bosne i Hercegovine, te privrednim subjektima JP BH Pošta d.o.o. Sarajevo, Preduzeće za poštanski saobraćaj Republike Srpske a.d. – Pošte Srpske i *Western Union Network (FRANCE) SAS*, Pariz, Republika Francuska.

U samom toku postupka, obzirom da se radilo o predmetu sa strankama sa suprotnim interesima, Konkurencijsko vijeće je, u skladu sa članom 39. Zakona, zakazalo usmenu raspravu za dan 25.01.2012. godine, koja nije održana jer je Podnosilac zahtjeva dana 24.01.2012. godine podneskom broj: 04-26-2-011-102-II/12 odustao od Zahtjeva na osnovu kojeg je pokrenut postupak i zatražio opoziv usmene rasprave.

U skladu sa članom 105. stav (4) Zakona o upravnom postupku („Službeni glasnik BiH“, br. 29/02, 12/04, 88/07 i 93/09) Konkurencijsko vijeće je, aktom broj: 04-26-2-011-112-II/11 od 31.01.2012. godine, obavijestilo privredni subjekt Tenfore d.o.o. Banja Luka da može dostaviti Zahtjev za nadoknadu troškova nastalih učestvovanjem u predmetnom postupku.

Imajuću u vidu izloženo, u smislu člana 122. stav (2) Zakona o upravnom postupku, odlučeno je kao u dispozitivu ovog Zaključka.

Administrativna taksa

Na ovaj Zaključak Podnosilac zahtjeva, u skladu sa članom 2. tarifni broj 108. stav (1) pod b) Odluke o visini administrativnih taksi u vezi sa procesnim radnjama pred Konkurencijskim

vijećem („Službeni glasnik BiH“, broj 30/06 i 18/11), je obavezan platiti administrativnu taksu u iznosu od 500,00 KM u korist Budžeta institucija Bosne i Hercegovine.

Pravna pouka

Protiv ovog Zaključka nije dopuštena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Zaključka.

Predsjednik

Ibrica Lakišić